

OMUKWETU

Registered at the General Post Office as a Newspaper

10c

DELK NA VELKSWA YA HOKANA

Halwo lwotango taku popiwa okuhangana kwa DELK (Ongeleka yAakwaluther Aandowishi muNamibia) na VELKSWA (Ongeleka yAakwaluther Aaluudhe muNamibia). Ku DELK okuhangana huka kasha li oshinima oshipu. Ihe kekwatho lyaKalunga ayihe oya enda nawa.

Omasiku ngaka DELK okwa ningi eindilo lyo-meendelelo ku VELKSWA opo ya hangane, moka a holola kutya okwa hala okwiuyutha kekotampango nokulongelakumwe miinima ayihe na VELKSWA "nelalakano okutaandelitha uukriste miigwana yeve ndika".

Eindilo ndyoka DELK a nyolele (29.3.1977) kewilikongundu lya VELKSWA ndyoka lya li lya gongala omasiku ngaka mOvenduka, olya taambwa pwa na omaongaongo. Eindilo olya li lya leshwa ngeyi:

Mombepo yuumwayinathana nelalakano okutaandelitha ontseyo yaKristus miigwana ye'u, otatu pula meendelelo ngaashi tashi vulika, opo tu taambelwe mu VELKSWA. Otatu shi popi nomuthindo kutya otwa taamba ekotampango lya VELKSWA, mwa kwatelelwa ehengumukilomumwe osho wo ompumbwe yelongelokumwe miinima ayihe na VELKSWA.

Otu shi shi kutya otu na oshinakugwanithwa komagongalo getu na otatu pula mu tu uve ko netompelo, kutya elongekidho lyahuguni na lyehengumukilomumwe otali falwa koshigongingeleka sha DELK shi li pitike.

Epangelongeleka lya VELKSWA meyamukulo lyalyo keindilo lya DELK oli li ngeyi:

Epangelongeleka lya VELKSWA momutumba gwalyo gweti 21.4.1977 olya taamba DELK a ninge oshilyo shalyo. Epangelongeleka otali pandula sho Oshigongingeleka sha DELK sha taamba ekotampango lya VELKSWA (ndyoka lya li lya lundululwa moshigongingeleka sho mEngela 1975). Otatu pandula wo sho DELK a taamba ehengumukilomumwe miinima ayihe na VELKSWA. Elongekidho lyehengumukilomumwe oli li uuthemba wOngeleka kehe, oku li kundathana mOshigongingeleka shawo.

Ndika etameko ewanawa kutya Aaluudhe nAatiligane ya kale pamwe momalongelokalunga, miigongi nomoompito dhi ili nodhi ili dhopankalathano yesiku kehe-ongaantu naumwayinathana.



Yamwe yomaanasikola mOsekundosikola yaNgandjera, pethimbo lyoshitu-thi shokweegulula omatungo omape. Osikola ndjika ohayi longo aamati naakadhona. Ehokololo lya udha tala kep. 5.

Omuwa

Omwenyo gwandje hambelela Omuwa, no-shaa shoka sha kala meni lyandje, edhina lye eyapuki. Omwenyo gwandje hambelela Omuwa, ngoye ino dhimbwa uuwanawa washa e u ku ningila, Ps. 10:1-2.

Esiku eti 26 lyaDesemba 1976, ongundu yaantu mboka ya mona etango momumvo 1926, oya ningilwa oshitekelalahambeleso kehangano lya CDM, molwaa sho Kalunga e ya humbata uule womimvo 50, etata lye-thele.

Oomwenyo odha li dha kwatwa kenyanu e-nene. Ngele mboka ya piti pomimvo ndhoka nenge inaaya adha po, otwa hambelele Kalunga pamwe nayo. Mpaka oondjimbohambelole odhu uvika nomahalelathanoyambeko ga-Kalunga.

Omupopi a simana moshituthi shika okwa li tate F. P. Grobbelaar. Peha lyoshigwana shaa-longimina otwa popithwa kutate Viliheikki Shivute, ngoka a pandula Omuwa Kalunga, sho e tu humbata. Okwe tu halele eyambeke lyaKalunga nomasiku gokomeho ge na-elago.

Aakali moshituthi shika otwa umbu wo okangalo, moka mwa zi R20,00. limaliwa mbika otwa utha yi tuminwe kOshiketha shaSenegal.

Mongundu yaayenda omwa kala komufala gwaaniilonga momina, omusamane C. A. Storm. Storm okwe tu topolele omagano medhina lyOmina.

Ayehe oya tumbula ngeyi: Omuwa ihe tu ningile pandjo dhetu, ye ihe tu geelele pamayonagulo getu. Na hambelelwe onofu na nofu te tu humbata.

Stefanus Mvula

DHIMWE DHOMOONTOKOLWA DHEPANGELONGELEKA LYETI 26-27.4.77

91

Etokolo lyokangundu kiinima yiipangelo Omundohotola T. lihuhwa a kale omukulutnu omvula yimwe, mOshipangelo shaNandjokwe, lya kolekwa kEpangelongeleka.


92

Epangelongeleka otali pandula Epangelotumo sho lya utha omagano ngoka lya pewa ku C. D. M. numvo (R2000) ga longithwe mekumbululo lyOngeleka onkulu yaNakambale, kOlukonda.

Omuyevaangeliste Wilhelm Alweendo, Olukonda, patokolo lyelelogongalo lyaandjawa a uthwa a ye mopensione yuukulupe okutameka 1 Juli 1977.

110

Aayakulingeleka Matti naRaili Seppälä na-nona sho taa shuna kOsoomi muMai numvo, omumbisofi L. Auala, medhina lyEpangelongeleka e ya tumbulile omatumbulo nga: "Otatu pandula Kalunga sho e mu pele ompito yoku tu yakula nokwe mu gamene mokukala kweni mpaka, mokati koondjoho nomakwega gaAfrika. Indeni ne mu galuke mbala" Nokwe ya gandja miikaha nomuudhiginini waKalunga.



Omusitagongalo Stefanus Mvula, ngoka epangelongeleka lye mu langeke moshilonga shuuevaangeliste mOngeleka ya ELOK.

EPUKULULO

Moshifo shaApilili No.8 pepandja 3 omwa li mwa holoka oshinyolwa shaa na oshipalanyolo. Oshipalanyolo osha li shi na okukala ngeyi: Ongundumbimbeli kAahebeli, Eihololo lyaKalunga mEtestamendi Epe, Hebr.1:1-3, omushangi omusitagongalo Eino Amaambo.

Eingido lomuyapostoli Johannes muPatmos

(A.P. Shilongo)

Ofyeni ovanaipale otwa ikilila eingido eli: "Nangeleni komauta". Luhapu ola ingidwa pefimbo loilya i li poipale. Olo elonawelo lovanailya ili poipale, kutya nava kofe ngaho nawa. Ohali tula ovanhu moimonga yokwiingida, nashi ye okawi nokawi. Kekele kaashi hali fitike omawi, nohali pendu'a omaweelole, ohali kofeke ovanhu oimhofi yokahaluhalu nohali taneke yo omixwalakato, ndele nodeemhuku tadi kolekwa.

Eingido la tya ngaha ohali twala ovanhu mce-ngumbu, shaashi ohashi dulika li ingidwe ndele ovaingidi kave shii shi osho tava ingidile. Nohashi holoka mefiku tali landula momapulo ovanhu, oshike hano sha holokole po? Omanyamukulo nao ohae shi koleka.

"Ae, vati omunhu a monika ta folauka nani ota ka popya eenghali". Ile onunona ngaho va li va ya koshiminikila, ndele omundilo wu dimi, voo ova tila nee vaha tiwe ovalunga tava ende momulaulu. Ova hove'a nee okwiingida. Nangeleni komauta. Meweelole leingido opuwo va xupa.

Ohashi dulika yo li pukife vahapu no'i kutulife vamwe. Nafye otwe shi ningile. Manga nda li okaana. efiku limwe tate okwa uhalele ta umbile oshipale shetu. Komatango ta fuda po kanini. Nani oinguloshi inya a ka twikila, fye inatu shi shiiva. Hano umwe wetu ha taka teka pomufima u li popepi noshipale. Hano ta mono omunhu e li ofika poshipale. Opuwo ka tekele vali. Oshitoo ha kwe shi tenheka po nokukwatela omafinde kumwe noku shi tu tya. Opuwo otwa tameka.

"Nangeleni komauta". Mepya tate naye ota ingida a mona omavilovilo amukwetu ou ta lotoka e tu londwele, omunhu a kalela oshipale shetu ofika. (Nani otate) Ohatu a'angata ngoo nee, hatu shi yolo po. Eingido va ya nalo, ekutuko la ninga letu.

Omakutuko ihaa pu. Efiku limwe onda lesha okahokololo kamwe ka tya ngaha: Moshikunino shimwe shomiti noixwa neengala omwa li mu na oshihongwafano shemwangha, sha hongwa konghulungu. Vahapu ohave shi kuminwa, mokukala po kwa sho, sha fa emwangha li na omwenyo.

Efiku limwe ongudu imwe yovaenda oya enda moshikunino osho nokutala nokuhafela eengala. Ohaluka umwe ta ingida: woo, emwangha! Opuwo vakwao kava talele ko nawa. Aveshe ove ka nangeka. Mokulotoka tave li bukaula eenghaku notave lipumaula mumwe. Oonahuvashakeneka, kava twikilile vali komesho, ova piluka nokukoleka eingido, woo emwangha!

Umwe a li omutumba moshikunino, nokutala, okwa mwena nokulandula. Ote liyolele nokuholola, aee, hamwangha, oshihongwamwangha sha ningwa konghulungu.

Mokulesha okahokololo ka tya ngaha, onda kala omutumba noku ka diladila. Omaingido neenghuwo, onghe da dja hadi ingidwa nale. Dimwe tashi dulika doshili, na dimwe tadi tu fiile ashike eweelole. Hapo oda hala oku tu longa okumwena nokutala nawa.

Efimbo lopaife olo efimbo lomaingido neenghuwo di lili nadi lili. Omuleshi wOmukwetu ove eingido loye nonghuwo yoye oi lipi po? Otai i okawi nokawi ya yuka peni? Ove otai ku fiile shike?

Omyapostoli Johannes konhunhu yaPatmos, ota ingidile omaongalo Omwene, mefimbo la yuka komafimbo a xuuninwa ta ti: "Diinina osho u shi kwete, uha kufwe nande okulyelye oshishani shoye."

Omyapostoli okwa talifwa kOmwene osho tashi ka ningwa, onghe eingido laye oli shii okutiwa nali ye okawi nokawi. Omwene oku li popepi. Ote uya diva. Oonakuteelela, noonakuhateelela otave ke shi didilika Ehol. 1:1-8. Otashi ladipaleke ovaitaveli Ehol. 2:10;11.

Enyamukulo letu keingido laJohannes nali kale eteelelohambelole lOmwene teu ya, Ehol.19:5-10. Nashi ye okawi nokawi, Ehol. 22:16-21.



Meme Aili Mwatotele, omulongi wofikola yEenhumwafo dOmbibeli, mEngela. Eholololo li yadi tala mOmukwetu No. 8.

M. Ngipandulwa

Efaneke lyokutaamba iimaliwa megongalo ohali kankamekelwa aluhe kiitaambwa yalyo yomumvo gwa tetekela, nohapu tegelelwa aluhe egongelo kehe li kale li vule ndyoka lyomumvo gwa tetekela. Unene tuu pethimbo ndika ekwatho lyopondje ndyoka hali kwatha mokutsakanitha oondjambi dhaanashilonga momagongalo ga ELOK sho pwa tegelelwa nopwa dhimbululwa kutya kali shi oshinima tashi kalelele, omagongalo otagatsuwa omukumo aluhe ga indjipaleke iitaambwa yago yomeni; opo aayakuli yomagongalo ya monenwe oondjambi dhawo pwaa na omaongaongo.

Moshinima shika omukwanegongalo kehe ota tegelelwa a yalule nawa emona lye nokuninga etokolo kutya ombinga oyi thike peni ndjoka taka gandja meyakulo lyegongalo lyandjawa. Ngashi nda dhimbulula momagongalo gamwe, aakwanegongalo taa tula muakalata wawo wiigandjwa: R0.50, R1-00, R1.50, R2.00 komwedhi.

Mboka ya tetekele oku shi ninga, oya tetekelele aakriste ooyakwawo keyamukulo ndyoka li na okugandjwa komukwanegongalo kehe. Shika osho sha kwatha omagongalo oge ndji ga adhe oontengenekwafaneke dhago, ndhoka dha li dhe ga fanekelwa 1976, shi vule omimvo dha tetekela.

Ngame ondi inekela nondi itaala kutya mboka ye shi ningi, omayambeko gaKalunga inaga enda pomunkulo gwomagumbo gawo, go inaga hulila ondjilakati: nondi ya uvitile efupa ewanawa.

Momumvo gwa hulu 1976, okwa holoka omagongalo oge ndji ge na epopilo ewanawa moshinima shika. Ishewe mu ELOK aguhe omwa ningwa ehumokomeho ewanawa mukungongela iiniwe shi vule omimvo dha tetekela. Ekwatho ndyoka hali zi pondje, inali gandjwa we alihe ngaashi kwa li lya fanekwa, oshoka omagongalo ga ELOK go gene oga gongela nawa R21.931,00, momalunza gomeni.

Momumvo 1975 omagongalo 32 oga tsakanitha oontengenekofaneke dhago. Manga 1976 omagongalo ngaka ga tsakanitha oontengenekofaneke dhago oga thiki 35.

UUNINGININO: (13) Okahao, Nakayale, Elim, Ogongo, Etilyasa, Tshandi, Onaanda, Oshakati, Onangalo, Elondo, Onawa, Onesi nEengolo.

ONDONGA: (8) Olukonda, Onayena, Oniipa, Ontananga, Onyaanya, Okankolo, Elombe nOmuntele.

UUKWANYAMA: (9) Ongenga, Engela, Ongwediva, Endola, Okalongo, Onhelelwa, Ohalushu, Ondobe nEembaxu.

OKAVANGO: (5) Nkurenkuru, Rundu, Mpingu, Mupini naRupara.



Nakusa omusitagongalo Naftali Amadhila, pamwe nameme Karolina Amadhila. Tala ishewe ke pandja 6.

Mungaka ga tumbulwa pombanda otamu gwedhwa ishewe omagongalo gane ngoka gi ilongele esimano etiyali. Ngaka oga piti ngaa mokufuta iinakugwanithwa yago kekwathelo lyoshihupe 1975, ihe inaga adha nando ontengenekofaneke. Ando kwa li gaa na iihupe, ando oga nyengwa thiluthilu. Ngaka ogo: Ompundja, Eunda, Oshitayi, Okaku. Ngaka oga tupuka lela ngombuku ya hunuthwa koshiliya, lya limwe lyomugo ngaka, ngaandyo otali ikeshe komayego.

Omagongalo ngoka ga nyengwa thiluthilu noga thigwa po ngomondapo, oge li ashike 12 mu ELOK 1976, nokashi na ompumbwe nokuli ga tumbulwe. Opu na wo omagongalo 2 ngoka inaapu tseyika sha kugo kombinga yokugongela itaambwa yago yomumvo 1976, ogo Omundaungilo nOkongo.

Inandi hala wo okweetha inaandi tumbula sha kombinga yomagongalo ngoka ga kwatha nawa omagongalo omanyengwi, sho pwa dhimbululwa kutya inaga pumbwa ekwatho lyopondje lyiikako iyali yahuginina. Egongalo ngashi Okahao, Ongenga, Engela, Onangalo, Tshandi, ngaka ihaga dhana iigunda yevi.

Omuntu owa hala nokuli okupula kutya ohaga ende nondjila yini, opo ga adhe onkatu ndjono. Pamwe oshi shi ngaa okupulapulwa.

Opu li ishewe omagongalo gatatu ga li taga ti: kutha po ndi kuthe po ogo ngaashi: Ompundja, Elim, nEtilyasa nago wo oga nyengwa okukutha ndimba moombwa.

Tala kep. 6

ONYEKA YEPUMBA YE KU FALA KOYOMUHONGO

(*Ondjokonona yosikola yaKahao*)

Liina Mpanda

Oseminali yotango (yaamati naakadhona) oya li pOniipa, opo momumvo 1947, yaakadhona oya tembudhilwa kOkahao, Ongandjera. Ano osikola yaKahao oya gwanitha nuumvo omimvo 30.

Aalongi aakiintu oya putudhwa mosikola ndjika sigo 1970, sho oseminali (yaamati naakadhona) ya lundululilwa kOngwediva, kcsikola yepangelo.

Gumwe gwaaseminali yotango mOkahao, meme Liina, ote yi hokolola ngeyi:

Otwa tameke owala naalongi yaali, meme Sylvi Kyllonen, Nelago, (omukuluntusikola) nameme Emilia Nhinda. Oya li wo ya kwathwa kumeme Ester Shiyagaya pootundi dhongula, ye pomutenya ta yi kosikola yaanona.

Etameko aluhe edhigu. Otwa li tu na oluhepo lwoondunda. Mokangulu moka twa lala omo twa ningile ootundi. Kehe esiku otwa li tu na okupenduka ongula, tatu opaleke nokugonya iinguma yetu, opo ihe tatu tameke nootundi.



Meme Liina Mpanda, omulongi omukulu mOsekundosikola yaNgandjera.

Konima opwa ka holoka ngaa uundunda wi ikalela wokulala, ihe kapwa li nando ombete yimwe wo tuu nenge etalasho. Otse yene twa ka konga oombale nokutungu uyayala wokulala po. Yamwe ya ningi nokuli iilalo moombati sho inaa tseya nawa oombale; ooyakwawo ya tungu olwindji sho okayala ka halakana po mbala. Ihe otwa longo ashike nyanyu nomukumo.



Omukuluntusikola mOsekundosikola yaNgandjera, Ulla Nenonen

Mootundi otwa li tu na oluhepo olunene. Omambo kaga li po, omulongi okwa li e na okunyola ashike koshipelende. Omashina ishewe gokutopatopa kaga li po. Onke inatu wula naanaa okwiilonga oshindji, otwa li nokunyola omutenya nuusiku. Otwa li owala tu na okwiilonga ngaashi twa nyolelwa, oshoka ethimbo lyokufatulula motundi kali po.

Etumo osho wo epangelo olya kwatha kombinga yiikulya. Aashiinda nayo wo oya kwatha noonkondo mokugandja iikulya, oshoka oya li ya nyanyukilwa osikola. Otwa paluthwa notwa nyanyudhwa momagumbo gaakriste nogaapaagani.

Omukwaniilwa omukulupe, tatekulu Shaanika lipinge, okwa kwatha unene kombinga yomweelelo. Olwindji oha ti: "Nelago, tuma okanona kiile okayushwa kaasimiyoni yandje." (aasimiyoni=aasiminali; okayushwa=ongombe, oshikombo nenge onzi).

Meme Anna-Liisa Sorsa okwe ya momumvo 1952. Momumvo gwa landula kuku Nelago okwa yi kOndonga, nameme Sorsa okwa ningi omukuluntu gwosikola (1953-75).

Aalongwalongi yahugunina oya laleka momumvo 1970. Aalongi mboka ya putudhwa moseminali ndjika otaya tengenekelwa pomathele 500. Konyala posikola kehe mOwambo ope na aalongi mboka ya longwa moseminali yaKahao.

"Omukuluwambo okwa tile: Onyeka yepumba ye ku fala koyomuhongo," oshililela. Mokudhiladhila etameko lyetu noku li yeloka noosikola dhopethimbo ndika, O! otandi kuminwa iilongankondo yaKalunga nuudhiginini we. Omukanka gwa kola gwaKalunga otagu kala gwa kolelela nogu na oshihako shi: Omuwa e ya shi mboka ye."



Nakusa Naftali Amadhila oshilonga shuusita-gongalo okwe shi yapulililwa momumvo 1955, oye wo omutoti po gwegongalo lyaGongo.

"Itandi mu thigi po ngoothigwa " Eso lyaNaftali lya si, ihe Naftali ina sa. Eso lye lya si, ihe ye mwene okwa pewa omwenyo.

Dha za kep. 4

Egongelo lyiitaambwa oli li ngeyi pamiyalu:

IITAYINGELEKA			litaambwa 1975		litaambwa 1976	
	ekwatho	iihupe 75	egongelo	ekwatho	kumwe	
egongelo UUNINGININO: 41213	18151	4143	51463	14030	69636	
ONDONGA: 42143	15930	2966	49169	14305	66440	
UUKWANYAMA: 40801	17787	3926	44527	14690	63143	
KAVANGO: 6859	5549	1210	7788	6320	15318	
131016	57417	12245	152947	49345	214537	

Aasita ne aakwiita yOmuwa, omu na omwenyo omolu egongalo lyaKristus. Yakuleni ano aantu yaKalunga sigo te mu zimbula ngashika Naftali, osho omumbisofi, tatekulu Auala, a tumbulile aayenda yoshituthi.

Peha lyegongalo alihe lyaGongo tatekulu Tobias Shikongo okwa ti: "Kalunga okwe tu pele nokwe tu kutha. Kalunga iha lunduluka, natu mu inekeleni ote tu pe natango."

Osha tumbulwa nale kutya omagongalo gomu ELOK oga londo R21931 mokugongela oontengenekofaneko dhago dhomumvo 1976, tashi holola kutya opwa li gwandhimb-tadhenge - gwagonga. Ngiika nonuumvo otapu ka kala omukata-na-kale po. Kalunga na yambeke aagandji natango.

Namibia okwa uka peni?

Etsakaneno lyoministeli yotango ya S.Afrika, omusamane Vorster naakalelipo yilongo itano yokUuninginino, moka Vorster ta ti okwa mona mo omukumo, oshinima sha pendutha omaipulo ogendji. Omushangi gwiifo ngoka a tseye nawa onkalo ya Afrika lyokOlundume, omusamane J.H.P.Serfontein, ye oye wo omushangi gwembo opo lya nyanyangidhwa lyedhina "NAMIBIA?" ndyoka lya ndjandjuku-nuna mo shoka sha ningwa notashi ningwa mevi muka, oku shi lwete nomeho gi ili.

Molwaasho lilongo yokUuninginino otayi kambadhala okuguna omusamane Vorster opo a landule ondjila yilwe, Serfontein okwi itaala kutya epangelo lya S.Afrika olya ninga epuko enene mu SWA/NAMIBIA.

Pamadhiladhilo gaSerfontein etsakaneno ndika otali ulike okwiikalekelwa kwa S.Afrika kwopaigwana. (Etompelo ndyoka omusamane Vorster ta ti kutya kali shi okwiitaalwa alihe ngaashi li li, ihe okashona kowala, ano eta-ta).

Otashi yelitha wo endopo lyomulandu gwepangelo gwopondje, unene tuu mu SWA/NAMIBIA, ngoka gwi ikwatelela moTurnhalle. Edhiladhilo lyepangelo lya S.Afrika oku ka tota po epangelo lyopokati lya SWA/NAMIBIA pakotampango lyoTurnhalle, ngiika muJuli nuumvo, otashi ulike kutya S.Afrika okwa uka moshiponga shevundakano lyopaulolctika, osho Serfontein a ti.

Serfontein ota tala natango kutya S.Afrika oku uka naanaa miita ngashii ya Vietnam, moka America a li a kanithile oshindji, moka ngiika S.Afrika itaa ka sindika kombinga yimwe osha yela kutya ita ka sindana, moshi-topolwa moka a zimina kutya ota zi mo.

Ngaashi naanaa sha ningilwe Aayamerika, S.Afrika ota ka thiminikwa okuthiga po oshitopolwa SWA/NAMIBIA nohoni onene. Pamwe na S.Afrika a lamba ondjila ndjika, itashi kumitha sho nda lombwelwa kugumwe gwaanenentu yoodiploma dhilongo yokUuninginino kutya: "Otwa taalela olugodhi ndoka olule," osho Serfontein a ti.

Serfontein kombinga onkwawo ota ti kutya okwa kumwa kaantu yamwe mboka ye na etegelelo moTurnhalle, "ngiika oomboka inaaya tseye uukwatya mboka wa dhiingilila o-Turnhalle osho wo onkalo yomevi muka.

Kombinga onkwawo okuya kwililongo yokUuninginino, oTurnhalle oye ku tala ongesindano lyawo, kutya oshinima sha vulikithwa kuyo mboka ya hogolola omukalo gwombili.

Oministeli yOwambo omusita Ndjoka okwa holola wo nkene lilongo yokUuninginino yi li po "ookuume kaantu ya SWA/NAMIBIA." Aniwa okuya kwililongo yokUuninginino okukundathana naantu yaNamibia okwo "enkawa enene ku SWAPO ngoka a kala ta ti kutya oye owike omukalelipo gwashili mevi muka" (Radio Owambo).

Serfontein okwa holola nkene SWAPO e li po ta popilwa kaantu oyendji mevi muka. Kombinga onkwawo Turnhalle okwe shi tinda, aniwa oye ngaa dhingi ngashingeyi.

MUNAMIBIA OTAMU KA NINGWA EHOLOLO LYAAYEHE

Epangelo lya S.Africa olya zimina eindilo lyililongo yokUuninginino, opo muNamibia mu ningwe ehogololo metonatelo lya VVO, moka wo Swapo ta ka kala.

Etokolo ndika olya zi moonkundathana dhoka dha ningwa komusamane Vorster pamwe naakalelipo yililongo yokUuninginino, omasiku ngoka mOkapa. Omukalo gwokutonatela ehogololo ndika inagu kundathanwa natango. Epangelo lya S.Africa inali hala ehogololo li kale metonatelo lyiigwana ayihe, ihe olya hala li tonatelwe kiilongo yimwepo ya hogololwa, moka mwa kwatelelwa wo S.Africa.

Opwa li wo pwa thikwa metokolo, aanapolitika mboka ye li pondje yoshilongo ya galukile koshilongo, opo ya ye wo mehogololo lyaayehe. Eutho ndyoka li li mekotampango lyoTurnhalle otali ti kutya omuntu ngoka a li a thiga po oshilongo oku na okutalwa uule womimvo ntano, opo a pitikwe okundjoina moongundu dhopolitika.

Eindilo lya VVO okumangulula onkwatwa otali ka kundathanwa komeho. Ihe aanandholongolo pokati mpoka otaya ka tembudhilwa koondholongo dhomoshilongo shaandjawa.

(The Star)

VORSTER NIILONGO YOKUUNINGININO

Onkundathana pokati kepangelo lya S.Africa niilongo yokUuninginino mOkapa, odha li onkambadhala okukonga omukalo gwokufala Namibia memanguluko, pamukalo gwombili. Shoka sha tilika ooshoka kutya ngele inapu kongwa omukalo ngoka tagu kandula po omukundu gwevi ndika pambili nena "oshilanduliko otashi ka kala shi nyanyalitha" paRand Daily Mail.

lilongo yokUuninginino mbyoka ya li ya thikama maakalelipo yligwanayahangano yAmerika, Britania, Fransa, Kanada naNdowishilanda lyokUuninginino, konima yoonkundathana dhawo nomministeli ya S.Africa omusamane Vorster oya holola kutya Vorster okwa ekelahi omakankameno goTurnhalle. lilongo mbika, oyu uvite nayi sho aakwashigwana inaaya hololelwa sha kombinga yoonkundathana ndhika.

Pankundana ndjoka ya gandjwa komusamane Vorster mokupopitha aantu ye thike 4 000 puVrededal, okwa ti kutya epopyo kutya S.Africa ngashingeyi oku li po ikalekelwa, ehokololo kali shi okwiitaalwa alihe oshoka mekwatathano lyopauldiploma inatu ninga nale ekwatathano lya fa ndika. "Otwa ninga ehumokomeho na ondi lwete wo uuyeleele komeho," osho Vorster a ti.

Tala pep. 8

EDHIMBULUTHO

Efilitsa lyopONAMAGONGWA ndyoka lya tseyithilwe mOmukwetu No. 5 otali ka kala lya eguluka okuza eti 28 lyaMai 1977.

Aasamane, aamati, aakulukadhi naakadhona amuhe ileni mu ilandele kombiliha iinima yomode inaayi monika mo nale mOwambo. Ila wi italele ko mwene, iipindi omomeho.

"TOP FLOOR OF ONAMAGONGWA" oya egulukila kehe gumwe.

OVANYASHA IHAVA ONGALA VALI PEENDJOVO

DOMWENE

Ovanyasha ihatu ongala vali momalongelokalunga. Ihatu kala yo vali moyoongalele yovanyasha. Unene momaongalo oto hange mo ashike ovanyasha inava fika komulongo, ovo tava diinine oshoongalele. Ovanyasha itatu findana vali. Alushe ohatu tauluka oshipango oshitiheimwe.

Eshi osha dja peni? Osha dja opo mokuhadulika komalombwelo ovakulunhu. Okuhadulika komhango yaKalunga. Oku he lipangela.

VORSTER NIILONGO YOKUUNINGININO

Dha za kep. 7

Ethiladhilo ndyoka lya dhiladhilwa opo ku ka pulwe aatiligane kutya otaya ti ngiini koTurnhalle osho wo shimwe sha limbilika lilongo yokUuninginino.

Pamadhiladhilo glilongo yokUuninginino o-Turnhalle itayi ti we sha omanga inaapa ningwa ehogololo ndyoka li metonatelo lyli-gwanahangano.

Omadhiladhilo omakwawo (pamadhiladhilo glilongo yokUuninginino) okupula iilumbu kutya otayi ti ngiini koTurnhalle, oye yi panda nenge inaye yi panda, otashi yono po owala ekandulopo lyomaupyakadhi gevi ndika pambili.

Omasiku ngaka aakalelipo ylilongo yokUuninginino oya li ishewe mOvenduka moka ya li ya kundathana naakalelipo yoTurnhalle, SWAPO osho wo aawiliki yoOngeleka. Shoka sha uvika konima yoonkundathana ndhika oshoka kutya "oonkundathana odha li dhi tudulukitha."

Oku ha hola oshiwana. Dimbulukwa, omunyasha oove oshiwana shokomesho. Owe li longekida tuu oku kwafa oshiwana noku shitunga? Dimbulukwa kutya ngenge ou li omutungu woshiwana, oto ka pulwa eemwenyo dasho.

Ope na ovanyasha vahapu va dina onyasha wavo, nota va nyengwa oku lipangela noku u kondjela. Ova dimbwa kutya ove na okukala ovanyasha vouyelele. Ove li po ve li ninga ovanyasha vomilawu. Eshi otashi holo-ka unene moilonga yetu fye ovanyasha. "Kongeni Omwene manga ta monika..., Jes. 55:6-7."

Ovanyasha vakwetu ovaholike muKristus Jesus, onde mu kumaida opo tu kaleni mekondjo, okukondjela aunyasha wetu.

"Efa aishe yaunyuni i ye nounyuni. Kalela Omwene woye, 11 Tim. 2.22-26, Eimbilo 501."

Timoteus P. Nakwafila

OMUKWETU

Oye oshifo shOngeleka Onkwaevangeli paLuther yomOwambokavango.

Oha nyanyangidhwa mOshinyanyangidho shOngeleka mOniipa.

Omukuluntu gwOmukwetu omumbisofi dr. Leonard Auala.

Amushanga gwOmukwetu omulongi Ambrosius W. Amutenja.

Ondando yOmukwetu komumvo, muAfrika R 2-00, kombanda yomafuta R 4-00.

Omambesitelo pamwe noondando naga tumwe ko-mukwetu Oniipa, P/B. 2013 Ondangwa 9270

OWAMBOKAVANGO CHURCH PRESS
ONIIPA P/BAG 2013 ONDANGWA 9270